

(一)右玉縣

右玉防疫行政密於他縣數倍然櫻禍之烈死亡之慘終以此爲甚蓋殺虎口距城北二十里地當入邊衝要時近陰曆年關路上行人如流水羣向內地奔赴自一月四號疫作節節籌防至十三號乃告成立此過渡期中雖嚴密檢查而漏逸者又不知凡幾況城廂附近旅店兆禍人類複雜傳播自易閱兩日而斃者三十九人燎原之勢已成卒至焚燬賈家店而其焰始衰豈所謂密於終而疎於始者歟然證以地形人事歲時種種關係殆亦有不能免者矣

(甲)防疫分局

假縣城農桑局爲防疫分局辦公處局長以縣知事兼充督率警佐縣佐併遴委地方員紳爲助理員一月十三號成立組織五部分治其事

(一)事務部 凡來往文電佈告及庶務會計等事屬之

(二)衛生部 凡清潔街道等事屬之

(三)調查部 凡查報染疫及患疑似病等事屬之

(四)消毒部 凡疫地及疫死者消毒等事屬之

(五)掩埋部 凡疫死葬埋事項屬之

(乙)分設機關

(子)城廂檢疫所 一設南關一設城內一設北門外藍旂廟所設所長一人警佐巡官任之檢疫醫士爲

李寶書

(丑)區村檢疫所 全縣七區凡屬之疫村各設檢疫所一所長選村長任之

(寅)衝要檢疫所 縣城北二十里殺虎口爲入邊之衝要在口外柵子內設檢疫所一所長以縣佐范鴻賓兼理檢疫醫士以郭培成充任又城南威遠堡設檢疫所一所長以縣佐盧文棠兼任檢疫醫士以丕仁充任

(卯)行旅留養所 設於殺虎口以縣佐王者賓經理所事

(辰)貧民收容所 一設南關外巡官郭培淵兼任所長一設殺虎堡所長由縣佐王者賓兼充

(巳)遞接所 一設東門外天齊廟經理員王通一設殺虎口大關經理員郭培成一設威遠堡經理員盧

文棠

(午)講演所 一設城內商務會一設殺虎口縣佐署一設威遠堡縣佐署由知事縣佐警佐督同地方紳學各村長副輪流講演其縣分局宣講員爲楊逢時

(丙)人員配備

(1)局長一人

(2)協助員四人

(3)醫生二人

(4)巡警三十二人

(5) 講演員八人

(6) 村長副每區推選八人

(二) 左雲縣

左雲北境與豐鎮涼城爲鄰雖有威魯拒門等口同渾應歸客或取道於此而通口大道則在南境乃關內外十數縣行人所必經馬到頭吳家窰之疫於一月五號猝然現見蓋以此故防疫行政先南而後北輕察而重緩理勢然也然各種機關十四號已告成立而北境莊窩墩忽於十五號見疫得非疏緩之咎歟況豐涼燃料固取給於雲境尤有特別之關係者乎

(甲) 防疫分局

防疫分局設於行政公署遵照省發簡章由知事兼充局長一切協助人員就官佐地方員紳分別配備於一月十四號組織成立其事務部與右玉縣同不備列餘仿此

(乙) 分設機關

(子) 城廂檢疫所 縣城非衝途南關設檢疫所一防南鄉疫村人民入城所設檢查員一人醫士一人檢查巡警四名

(丑) 區村檢疫所 北區檢疫所設於郝家村所設檢查員一檢查幫辦員二醫士一檢查巡警四名南區檢疫所設於馬到頭檢查員一醫士一檢查巡警四名其餘有疫村莊各設一所遴選村長副任之

(寅) 衝要檢疫所 縣北威魯堡與察屬涼城縣毗連缺口太多行人易偷越設檢疫所一縣東高山鎮乃

由綏赴同必經之路設檢疫所一縣南吳家窰鎮卽由殺虎口南下衝途設檢疫所一所各設檢查員一人醫士一人檢查巡警四名惟吳家窰添設檢查幫辦員四人

(卯) 行旅留養所 馬到頭吳家窰均在古廟設置其管理員由村長副等任之

(丙) 人員配備

(1) 局長一人

(2) 幫辦委員一人由鎮道會委孫肇華駐局辦事

(3) 檢查長一人警佐兼任

(4) 協助理十四人

(5) 宣講員十人

(6) 醫士八人

(7) 消毒掩埋各二隊每隊隊長一人隊兵十二名

(三) 大同縣

以搬運屍柩之人爲疫病之萌孽非惟人有所不覺卽受病者亦不自知爲疫也至同日又有類似之病而暴亡者羣情始駭當局奉令設防節節進行使同地疫村無轉相傳染未始非防之有道也然以城廂一隅而死亡至百餘人之多西人謂人類愈複雜社會交際愈繁隲防政愈難施行其明徵歟

(甲) 防疫分局

奉令組織防疫分局於一月十四號成立附設於縣城大同商會其內部組織由局長副局長醫士辦事委員分任其職

(乙)分設機關

(子)城廂檢疫所 東南兩門實行封閉此外北關西關各設檢疫所一所置檢疫員三人醫士一人其西北兩門各設檢查分所所設巡官一防疫員三醫士一警察六名

(丑)區村檢疫所 附城左近村鎮取局部遮阻交通辦法其有疫村莊均設隔離所而檢疫所附之皆假寺觀地址以村長副執行職務

(寅)衝要檢疫所 得勝口設檢疫所所員由鎮道直接委任縣分局僅撥警六名隨同檢查其餘各口一律遮斷交通

(卯)行旅留養所 城外東西關各設一所由官商會委委員經理

(辰)宣講團 附設高等小學校宣講長一副講長一講員六十四人由紳學界暨村長副分任其務

(丙)人員配備

(1)局長知事兼任副局長商會會長警佐兼任辦事委員五十六人

(2)醫士四人

(3)防疫隊一百五十名臨時檢查隊七十名消毒隊十二名掩埋隊三十名

(4)講演員六十四人

(四)朔縣

朔縣三面環山東南廣漠無垠爲山陰岱岳鎮入境之孔道其時疫氛已由右玉左雲侵入山陰當局方策全力於東南鄉一帶不虞西北方面窮山僻徑竟有繞越行人路斃於縣北五十里之麻黃頭而同日下窰口亦發見疫客禍常發於所備之外此亦智識之關係也

(甲)防疫分局

防疫分局初附於縣署尋移設商務會別設支局兩處一在馬邑鄉縣佐公署一假大南關農桑分局補助分局行政局長由知事縣佐警佐分別兼任

(乙)分設機關

(子)城廂檢疫所 附設警務公所以警佐兼理所事另委檢疫委員八人醫士二人

(丑)區村檢疫所 有疫地方各設檢疫所一處每所所長一人以村長副任之醫士一人巡警四名

(寅)衝要檢疫所 一設縣北下窰口一設縣東馬邑鄉各設事務員一醫士一檢查隊十人

(卯)行旅留養所 縣北下窰口縣東馬邑鄉各設一處所置事務員一人

(丙)人員配備

(1)局長一分局長二局員二十六人

(2)醫士二人

(3)檢查隊五十名消毒隊十名掩埋隊二十名

- (4) 宣講員三十六人
- (5) 村長副四十人
- (五) 山陰縣

山陰衝途四達控懷應而引廣武襟朔而帶應無關隘津梁可以堵截而城北二十五里之岱岳鎮又爲察哈爾歸綏東西入口滙萃之區行旅遠征無不稅駕於此擇要設防較他處實有困難者矣

(甲) 防疫分局

防疫分局設於縣署局長由知事兼充內部組織遵照省頒簡章

(乙) 分設機關

(子) 城廂檢疫所 設於警務公所所長警佐兼任併設檢疫員十六人

(丑) 區村檢疫所 縣屬有疫村莊十六處花吉嶺北王莊鄭家莊未設置外其餘各設檢疫所以村長副任其職

(寅) 衝要檢疫所 岱岳鎮爲南北行旅總滙之區就鎮有巡警分駐所設檢疫所所長一人縣佐兼充檢疫員八人醫士二人巡警十二名餘如黃花嶺東辛莊薛家園各設檢疫所一所長一員醫士一人巡警四名

(卯) 行旅留養所 一設黃花嶺一設薛家園一設楊莊村每所置所員二由村長任其事

(辰) 貧民收容所 設於岱岳鎮由縣佐遴員管理之

(丙) 人員配備

- (1) 局長一人委員八人
- (2) 醫士二人
- (3) 巡警一百零四名
- (4) 講演員三十三人村長副五十五人
- (六) 應縣

社會狃於故習不知疫之可畏對於官廳措置往往目爲多事而非難備至故司檢查者初時不過嚴察其有無疾病多未肯依法留驗過滋物議此段生沐等所以能間道入應而曹娘之疫由此傳播全縣之疫亦由此起點然果防之有道則東關一帶何至滋蔓難圖天下事無定識而又無決心未有不敗者也

(甲) 防疫分局

初設於城內財神廟遵照省頒簡章辦理城門封閉後又擇南關龍王廟增設防疫分所支部

(乙) 分設機關

(子) 城廂檢疫所 設南關關帝廟由紳商組織之以警佐兼任檢疫所長

(丑) 區村檢疫所 康辛莊康峪臨河赤堡均設置檢疫所知事委員管理一切其餘十二村均就公地設置由村長副執行職務

(寅) 衝要檢疫所 北鄉設於三門城溫家坊西北鄉設於馬家莊西鄉設於辛家寨北港村南鄉則有胡

峪馬嵐北樓茹越大小石六口均設所檢查嗣北樓劃歸繁峙檢疫所移置康峪村所設事務員一檢疫員二檢疫巡警四名

(卯)貧民收容所 設於南關由遞接所所員兼管

(丙)人員配備

(1)局長一人幹事員二人局員十人

(2)醫士二人

(3)巡警檢查隊六十人消毒隊二十人掩埋隊八名

(4)宣講員四十二人村長副六十人

(七)天鎮縣

防疫如防敵疫線猶戰線也盡人而知防則不撲自滅矣顧愚民寡識明知為險地而輕蹈之此樂玉堡之疫所由起也然以飢寒所迫不得已而為衣食之奔走竟禍及全家亦有足悲者矣

(甲)防疫分局

照省令一月十六號組織成立假前縣議會地址為辦公處局長縣知事兼充副局長警佐兼任助理各員分別遴委均不支薪

(乙)分設機關

(子)城廂檢疫所 設北門外北嶽廟仍以警佐王錦章兼任所長檢疫員六人檢疫巡警十人

(丑)區村檢疫所 樂玉堡為疫地檢疫所一委巡官張寶山東雙寨村長徐壘村副安鎔協辦檢疫事務警士十名并撥巡緝隊二十名

(寅)衝要檢疫所 一設新平堡北門委巡官薛萬山任所長檢疫員二人警士十名一設枳兒嶺此為通直隸懷安縣要道委紳士張廣淵任所長警士六名

(丙)人員配備

(1)局長一人副局長一人宣講長二人局員四人檢查員四人幹事員六人

(2)醫士四人

(3)檢查隊六十名臨時消毒隊十名

(4)宣講員十二人

(5)村長副二十人

(八)陽高縣

社會舊道德觀念太重法律上不許為界限往往為所破懷疫訊初起探親問病之事輒為傳染導線此亦時會之無可如何者也

(甲)防疫分局

防疫分局設於城內廣寧寺局長由知事兼任副局長警佐管獄員分任之助理宣講調查以據屬暨紳學界人員分充

(乙)分設機關

(子)城廂檢疫所 設西門千佛寺檢疫員二人醫士二人

(丑)區村檢疫所 南徐屯檢疫所委巡官暨村長副擔任檢驗事務

(寅)衝要檢疫所 一設鎮門堡口置所員一醫士一一設守口堡所員一醫士一

(丙)人員配備

(1)局長一人副局長二人委員十一人調查員八人

(2)醫士二人

(3)巡警五十七名

(4)城鄉講演員二十三人

(5)村長副十人

(九)懷仁縣

懷仁九疫村皆由居民僑居异地歸而傳播者也此重視家庭所致塗徑熟習昏暮可行決非政治權力所能制止以云防範難矣

(甲)防疫分局

分局附設警務公所一月十五號成立之內部組織以知事兼局長警佐任檢查長宣講員以村長副暨小學教員分任之

(乙)分設機關

(子)城廂檢疫所 設縣城東關由警佐督同員警執行職務外設醫士一人

(丑)區村檢疫所 縣東設於灰泉村檢查渾應兩縣入境之人縣南設於薛家店檢查應縣由溫家坊入

境之人各設醫士一巡長一巡警四名又田家莊為應縣左雲東西往來大路又西南鄉賀家莊東南鄉

水磨村均由山陰入境小路各設檢查員一巡長一

(寅)衝要檢疫所 一設鹽豐營一設張毛坊塔均西通右玉左雲南下山陰黃花嶺大道一設縣北里八

莊為大同南來孔道各設醫士一檢查員二惟里八莊距城較近祇設稽查二人此外鷺毛口小峪口樓

子口樺林溝紅山峪等處初曾設所檢查嗣一律堵截派警駐守

(卯)行旅留養所 在東門外白衣寺即第一隔離所改設者

(丙)人員配備

(1)局長 檢查員 協助員 稽查員

(2)醫士二人

(3)檢查隊五十六名消毒掩埋隊十名

(4)宣講員二十三人

(5)村長副二十七人

(十)渾源縣

當防疫吃緊之際縣民馬和蘭間道歸里水磨疇之村長副果能即時隔離嚴禁探視則犧牲一人正所以保存多數生命然以之責望渾源今日之社會尙有難焉者

(甲)防疫分局

一月十二號組織防疫分局附設行政公署以知事兼任局長科員康國屏栗迺容爲辦事員警佐爲檢查長此外遴選紳士張庶林馮秀卿爲助理員

(乙)分設機關

(子)城廂檢疫所 設於縣城東門外以警察稽查李青雲辦理檢疫事務

(丑)區村檢疫所 有疫村派警輪流檢查未設專所

(寅)衝要檢疫所 縣北松樹灣設所一尋水磨疇疫發松樹灣實行遮斷移設於小辛莊所長一人警士七名一設城南金龍口所長一人警士四名

(卯)行旅留養所 縣城南門外一設文昌宮一設北嶽行宮以警佐兼管事務又一設小辛莊一設金龍口其所長均以檢疫所長兼任

(辰)貧民收容所 附設留養所內專收無業游民

(丙)人員配備

(1)局長 局員 委員

(2)醫士二人

(3)宣講員二十人

(4)村長副三十二人

(5)檢查隊二十名消毒隊二十名掩埋隊十名

(二)廣靈縣

井窰距縣城西北五十里與渾爲界爲口商歸里或返直者通行之路以一小店而容留潛來疫客竟至染斃全家亦云慘矣然疫客越宿而走究竟死於何地再無下落此事之至離奇者且全家盡斃之後未聞再染一人豈真措置有法者耶

(甲)防疫分局

分局附設縣署由知事兼任局長督同警佐實行防檢嗣井窰疫作復加派宣講員分赴要隘演說

(乙)分設機關

(子)城廂檢疫所 附設警務公所以警佐兼理所事原有巡警改編檢疫隊并添募馬巡八名

(丑)區村檢疫所 井窰設檢疫所一處委員會同村長副辦理又設縣西南村鎮以防井窰人民之赴縣者又設縣北楊春村各委巡官專管之

(寅)衝要檢疫所 一設西北鄉火燒嶺一設西鄉望狐村均通同渾要路置所長一人此外縣南塔上村縣北柳澗溝橋兒澗縣東洗馬莊西石門及西北之小關村後均添設委村長副辦理

(卯)行旅留養所 共設十一所附設檢疫所內

(丙)人員配備

- (1)局長 檢查所長 消毒隊長 調查員十二人局員四人
- (2)醫士二人
- (3)檢查隊七十名消毒隊二十名馬巡八名
- (4)宣講員十二人
- (5)村長副二人

(三)靈邱縣

王家村薛勤其之留張全壽也以係不速之客竟忘疫地而來疏忽之咎究由自取然當時關隘駐警對此零星商販不甚嚴詰亦有不能辭其罪者矣

(甲)防疫分局

分局於一月十八號組織成立附設縣署局長以知事兼任嗣王家村發疫并添設檢疫隔離等所

(乙)分設機關

- (子)城廂檢疫所 附設警務分所由警佐兼任所長督同警士檢驗行人
- (丑)區村檢疫所 一設縣南下關鎮檢驗阜平入境之人所長爲鄧書軒一設西南鄉冉莊遮斷王家村入城人民所長爲曹驪
- (寅)衝要檢疫所 縣西蔡家峪縣北義泉嶺一屬渾源入境要隘一爲廣靈南下小路均設置檢疫所蔡

家峪所長劉瓚充任義泉嶺所長張守業充任

(卯)行旅留養所 凡設檢疫所地方均附容留所

(丙)人員配備

- (1)局長 局員二人委員七人
- (2)醫士一人
- (3)檢查巡警六十名消毒巡警二十名臨時添勞檢疫隊十六名
- (4)宣講員十一人
- (5)村長副十人

(三)平魯縣

防店坪圍城之疫易防并坪鎮柴胡溝之疫難一則堵截行旅一則嚴禁居民法律難行於近習社會之敝久矣

(甲)防疫分局

自右玉疫起奉令籌防分局設於城內靈侯廟以知事兼局長以警佐兼檢查長助理員均掾屬暨紳士任之

(乙)分設機關

(子)城廂檢疫所 設警務公所由警佐督警執行事務

- (丑)區村檢疫所 設縣南井坪鎮檢查長紳士安貞充任
- (寅)衝要檢疫所 一設鎮川口稽查員孔慶桐爲檢疫長
- (卯)行旅留養所 東門外租賃民房設立委紳士武佐文經理一設鎮川口關帝廟一設七墩口龍王廟
管理員卽檢疫所長兼任之

(丙)人員配備

- (1)局長 檢查長 協助委員二人局員八人
- (2)醫士二人
- (3)檢查隊十六名消毒隊八名掩埋隊十名均以原有巡警改編
- (4)宣講員十人
- (5)村長副十二人

(四)偏關縣

防疫吃緊之際理喻勢禁而猶不能收效者其惟喪葬乎夫醫士以強制執行爲職務其不能嚴令取締者母亦知阻其來不知禁其往昧昧於涉足疫區之險乃貽地方以無窮之害也

(甲)防疫分局

分局附設縣署由知事會同警佐紳學各界組織而成局長知事兼任之

(乙)分設機關

- (子)城廂檢疫所 附設分局同室辦公以警佐李成蹊充任檢疫長督警沿河梭巡
- (丑)衝要檢疫所 在滑石口設檢疫員二人
- (寅)行旅留養所 各口檢疫所內均附容留所惟滑石口容留所由縣分局派員管理

(丙)人員配備

- (1)局長 局員五人檢疫長委員六人協助員四人
- (2)醫士二人
- (3)檢查隊三十名衛生巡警十名
- (4)宣講員紳二十人
- (5)村長副十六人

(五)神池縣

人民狃於故習以爲集會場合無關防務攘往熙來鎮市爲滿迨至禍機猝發不崇朝而毒流四境防無可防人事固難辭咎然當時義井之集市全縣尙屬安全地必欲強制執行其勢有所不能而疫竟由此大作亦不虞之災也

(甲)防疫分局

分局設於縣公署以知事兼充局長警佐兼充檢查長助理各員由掾屬分任之

(乙)分設機關

(子)城廂檢疫所 附設警務公所置檢疫員二人

(丑)區村檢疫所 一設義井鎮檢疫員丁富華原清華一設利氏堡檢疫員趙秉彝一設八角堡檢疫員邱攀桂一設溝兒澗檢疫員村所長李佩銑

(寅)行旅留養部 設於溝兒澗村以隔離所所長兼管事務

(丙)人員配備

(1)局長 檢查長 會辦一人局員四人檢查員二人

(2)醫士四人

(3)掩埋隊四十名消毒隊十名檢查隊十六名

(4)宣講員二十人

(5)村長副四十人

(二六)寧武縣

寧神社會交際因地理上政治素稱密切神池義井疫氛已熾寧之防務惟有遮斷交通一法乃人民竟有潛往險地歸而斃命者雖曰不知畏避亦當事者疏忽之咎也若夫陽方為天然門戶防備極嚴而盤道梁尙有一部分之疫區於以見保持萬全之難也

(甲)防疫分局

縣城東關閣兒廟為分局辦公地址局長以知事充任遴委士紳助理一切

(乙)分設機關

(子)城廂檢疫所 設警察公所以警佐兼任所長

(丑)區村檢疫所 一設寧化堡所長縣佐李承沛任之檢疫長巡官周益明任之一設東寨鎮村長孫文萃辦理

(寅)衝要檢疫所 設於陽方口委任警佐王廷元督警駐守

(卯)行旅留養所 一陽方口二寧化堡由檢疫所員兼管

(丙)人員配備

(1)局長 省委員一人分局委員五人檢查長一人

(2)醫士二人

(3)檢疫隊十六名清鄉隊三十名掩埋隊四人

(4)宣講員二十人

(5)村長副二十五人

(二七)五寨縣

凡人經過疫地例須留驗以故自欺欺人者不少概見一涉疏漏禍機立啟五寨之疫始於耿合心以一常川住客不便詳察其踪跡因以受重大之犧牲甚矣防疫之難也

(甲)防疫分局

分局設於縣署知事兼任局長遴委保衛團團長商會會長教育會會長勸學所所長公款局經理等爲辦事員輪流駐局又於三岔鎮設防疫分所委任駐鎮巡官辦理

(乙)分設機關

(子)城廂檢疫所 城關各設一所以警佐巡官分任所事

(丑)區村檢疫所 東區設於老牛坡防神池義井入境者西區設於界牌村防崑嵐入境者又設於西北鄉兌峯坡防偏關河曲南下者

(寅)衝要檢疫所 一設韓家樓一設官莊一設縣北深溝村由三處入境總滙三岔鎮三岔設防疫分所并附設檢疫所

(卯)行旅留養所 三岔鎮爲東西北通衢距縣城甚遠以故設留養所管理一切

(丙)人員配備

(1)局長 委員五人局員八人

(2)醫士二人

(3)防檢各隊以原有巡警改編臨時增募十五名

(4)宣講員十六人

(5)村長副三十人

(二)崑嵐縣

旅店檢查明令迭頒隨時報告以輔行政所不及法至良也而崑嵐之疫竟因不呈報胎禍彼自取者不足惜使再越雷池一步直達太汾兩屬不危險之甚耶差幸及境而止尙無大害耳

(甲)防疫分局

鄰封疫起奉令組織分局設於城內火神廟局長以知事兼任

(乙)分設機關

(子)城廂檢疫所 附設分局內以警佐兼充檢疫長

(丑)區村檢疫所 一設三井鎮防五寨入境者一設鷄房村防河曲入境者一設水峪貫防河曲南下者一設張家莊一設鷄兒塢均村長副辦理派檢查員稽查之

(寅)衝要檢疫所 設於康家會以巡官兼理所事

(卯)行旅留養所 邊境村鎮凡設所檢疫者均擇公廟居留行人

(丙)人員配備

(1)局長 委員四人

(2)醫士一人

(3)檢查隊二十名原有巡警改編

(4)宣講員八人

(5)村長副十二人

(一九)河曲縣

河曲負邊帶河防線極長非惟陸上檢查爲要而航路檢查亦有不容緩者據險嚴守當可減免惟隔河代管蒙古地廣漠無垠似已割之線外此正所謂犧牲少數以挽救多數者也然方策全力以防邊河而疫氣已由土溝口侵入東南一帶顧此失彼是又知其一而不知其二者矣

(甲)防疫分局

局設縣城南關知事兼充局長警佐管獄員幫同辦理

(乙)分設機關

(子)城廂檢疫所 設於附郭侯家口

(丑)區村檢疫所 夏營堡沙泉鎮樓子營董家莊郝家溝均設置之委檢疫巡長管理事務

(寅)衝要檢疫所 西溝檢疫所所長委巡官任之榆樹灣檢疫所所長委稽查員任之此外城外沙梁設

分所一委事務員一人

(丙)人員配備

(1)局長 總稽查 檢查委員二人稽查員三人局員六人調查員八人

(2)醫士二人

(3)檢查隊三十名衛生隊十名掩埋隊四十二名

(4)宣講員十二人

(5)村長副十六人

(二〇)代縣

雁門爲行旅入關之總匯而廣武鎮扼關外之咽喉代縣防疫計畫預定其地爲中權藉收輕而易舉之效乃朔平疫發甫五日而關南之阜家坪警報已至種種組織均非嗟咄可辦晝夜籌防用圖補救於後迨至防閑完密而廣武隔離所內猶死亡相繼設將此輩亦先期放行又不知貽害幾許矣

(甲)防疫分局

分局設縣城中學校知事兼理局事助理員由掾屬分任職務

(乙)分設機關

(子)城廂檢疫所 附設警察公所警佐兼任所長

(丑)區村檢疫所 一設縣東五十里聶營鎮一設義口鎮一設城南十七里中解村均委檢疫長

(寅)衝要檢疫所 一設關北廣武鎮一設關南陽明堡南北通途巨鎮也廣武委縣佐兼任所長另設醫

士檢疫委員陽明堡所長由局派員任之

(卯)行旅留養所 設廣武鎮由縣佐委員會同辦理

(丙)人員配備

(1)局長 局員八人檢疫長八人

(2)醫士二人

- (3) 檢疫隊四十名
- (4) 宣講員二十四人
- (5) 村長副五十三人

(三) 崞縣

崞縣爲疫地行旅必至之區警訊初來速爲佈置未嘗不可挽救必俟境內疫作而后整理防務云何能濟然亡羊補牢見兔顧犬疫雖殺人猶可縮小區域何至糜爛不可收拾也奉令籌防視若虛文浮衍之咎豈申斥所能促進行乎

(甲) 防疫分局

防疫分局初設縣城西街併於縣署設防疫事務所科員分股辦事

(乙) 分設機關

(子) 城廂檢疫所 附設分局內以警佐石珠兼充檢疫長

(丑) 區村檢疫所 東區設宏道鎮西區設軒崗鎮各設檢疫員一醫士一其所長以原駐巡官兼任又設大牛鎮閭莊由局委派巡官兼理所事

(寅) 衝要檢疫所 班政舖陽武口李子樹樑原平鎮各設一所分派巡官爲檢疫員

(卯) 行旅留養所 設城外南關由隔離所長兼管之

(丙) 人員配備

- (1) 局長 檢疫長 局員六人
- (2) 醫官一人醫士二人
- (3) 檢疫隊四十名消毒隊三十名掩埋隊三十名
- (4) 宣講員五十人
- (5) 村長副六十八人

(三) 忻縣

忻縣爲省會屏蔽相距僅百里按里計程指日可達傳播至是其勢岌岌迨至馮村疫發波及西南一帶與陽曲銜錯不過一邱之隔耳幸能施以積極之防衛依限撲滅若仍令疫區人民往來探視其害將不知伊於胡底矣

(甲) 防疫分局

防疫分局十五號成立在縣城北關局長以知事兼任督同警佐巡官稽查等執行職務

(乙) 分設機關

(子) 城廂檢疫所 附設分局警佐兼充所長檢疫員三人稽查員二人

(丑) 區村檢疫所 一設東區董村鎮以巡官張志善充任醫士爲李繼沅一設中區麻會鎮以巡官楊丙全充任醫士爲史繼生一設西區奇村鎮以巡官趙慎充任醫士爲鄧紹禹一設南區莊磨鎮以巡官李鴻儒充任醫士爲降福一設北區忻口以巡官郭承澍充任醫士爲趙經傳又北曹張村寺平村牛尾莊

白村楊家墳牛皮嶺虎頭腦神嶺溝雙堡山均設置之各派巡長管理事務

(寅)衝要檢疫所 麻會鎮爲進省衝途忻口鎮通崞大路奇村鎮與寧武鄰莊磨鎮與靜樂界設置見前
茲不贅

(丙)人員配備

- (1)局長 檢疫長 幫辦委員 清疫協助員九人局員六人五區檢疫所長五人消毒隊長二人
 - (2)醫士六人
 - (3)檢查消毒隊六十名
 - (4)宣講長一人宣講員三十人
 - (5)村長副四十二人
- (三)定襄縣

此次防疫以定襄最稱敏捷當道下各縣取法之令官吏實居其功第叩其得力之由則全基於村長副之扶助衛生行政非社會進化不克收效其明證也

(甲)防疫分局

分局附設縣城西街商務會局長由知事兼任并兼設檢查所一月二十號組織成立

(乙)分設機關

(子)城廂檢疫所 一附設分局一設南關德盛店警佐兼充檢查長

(丑)區村檢疫所 東南區軍家貝窰頭溝北區龍王堂各設檢疫所自直省平山縣疫起土嶺村百泉郊

中霍山等處均接壤孟縣東通平山通途增設三檢疫所小口一律堵截

(寅)衝要檢疫所 縣西北四十里上林莊爲崞縣入境捷徑巡官師敦仁帶警駐紮

(卯)行旅留養所 租用南關客店由局派員經理

(丙)人員配備

- (1)局長 檢疫長 幫辦員三人委員五人
- (2)醫士一人
- (3)檢查隊二十名掩埋隊六名
- (4)宣講員二十一人
- (5)村長副二十六人

(三)繁峙縣

當關內外疫氛大熾繁境尙安全無恙兩旬之久本予以從容佈置之機會乃檢察報告籌防則非常嚴密發疫則非常奇異地方官不知自咎猶諉爲傳自代屬我口鎮夫興盛之疫固然導自我口而我口之疫則胎禍於岩頭一口外歸客令其間道潛入而毒斃至三十二人機關雖星羅棋布究何裨於實用防疫而徒事鋪張失其旨矣

(甲)防疫分局

分局附設縣署以知事兼任局長內部組織遴委掾屬分任

(乙)分設機關

(子)城廂檢疫所 附設分局委任警佐兼檢疫所所長

(丑)區村檢疫所 一設大營一設沙河所員以村長任之

(寅)衝要檢疫所 小石口委縣佐督同村長副辦理

(卯)行旅留養所 設於小石口辦事員二人由縣佐督辦

(丙)人員配備

(1)局長 檢疫長二員委員十三人檢查員二十三人

(2)醫士一人

(3)檢疫隊三十名掩埋隊十名

(4)宣講員三十九人

(5)村長副二十三人

(三五)五臺縣

防疫之法持以鎮靜廣為講演俾一般人民咸曉然有防無治偶有觸發亦不至支蔓難圖試攷神池忻崞機關非不林立終不免此輟彼起日日籌畫日日流行寧非知防而不知嚴有以釀之乎台屬疫氛起於觀上為村長者知自疫地潛歸隨即強制隔離彼雖毒發而死究未傳染他人使當時偶一疎懈則不堪設想矣故防

疫期內斷斷不可姑息以貽禍於公眾也

(甲)防疫分局

分局附設縣署局長知事兼任劃全縣為六區各委村長副認真防範

(乙)分設機關

(子)城廂檢疫所 附設警察公所所長警佐郭懋功兼任併設檢查隊長一員

(丑)區村檢疫所 一設台懷區台懷鎮警察分所所長委巡官張樹梅兼充一設大南區東冶鎮警察分所所長委巡官閻肇基兼充一設大北區豆村鎮警察分所所長委巡官朱寶堂兼充一設大東區耿家鎮警察分所所長委巡官王吉山兼充一設東鄉舊樓寺派警駐守

(寅)衝要檢疫所 一設大關警佐兼管一設北黑山關巡官帶警駐紮又縣紳胡肇虞為黑山一帶檢查員至獅子嶺節羅灣東峽嶺各派警稽查

(卯)行旅留養所 縣城設西關萬盛店分局派員經理獅子嶺設竹林寺節羅灣設村西大關設關帝廟東峽嶺設關帝廟舊樓寺設寺西院黑山設福盛店派警駐守協同村長辦理

(丙)人員配備

(1)局長 局員 消毒隊長 委員

(2)醫士一人

(3)檢疫隊八十名添募四十名

(4) 宣講員二十四人

(5) 村長副三十二人

(三六) 武鄉縣

晉北之野疫氛殆遍維時直省順德亦有發疫風傳上黨一隅不能不籌相當之準備武鄉四境皆山分水嶺當四鄉之衝竟爾猝發勢甚猛烈事雖出於意外預防早在意中倏而興倏而滅固易爲力也

(甲) 防疫分局

縣屬分水嶺疫氛突現當委警佐李敏樹巡官宋保衡王景峰紳士崔夢松率警馳赴其地籌設分卡并於故城附近之五峪村亦分置之隨又組織分局於縣城關帝廟以知事兼任局長

(乙) 分設機關

(子) 城廂檢疫所 附設警察署由警佐兼理所事

(丑) 區村檢疫所 東區攀龍洪水南區二十里舖北區賈豁各就其地警察分卡附設檢疫所又設五峪村由紳士魏煥兼管

(寅) 衝要檢疫所 一設南關鎮一設權店鎮一設故城鎮委紳士魏人鏡魏煥崔夢松辦理

(丙) 人員配備

(1) 局長 局員省委二人檢疫委員三人

(2) 省委西醫二員

(3) 警士六十名

(4) 宣講員三人

(5) 村長副十六人

(三七) 沁縣

沁縣交口鎮暴斃過客一人措置完善未蔓延也

(甲) 防疫分局

分水嶺疫發南下行旅嚴予檢查遂組織防疫分局附設警察公所局長由知事兼充委警佐宋子成爲總稽查

(乙) 分設機關

(子) 城廂檢疫所 附設分局由局長督飭巡官稽查員經理局務

(丑) 衝要檢疫所 一設分水嶺衝接之走馬嶺派巡官劉理銘管理所事一設西峪爲通武鄉小路委村長執行職務

(丙) 人員配備

(1) 局長 局員 協助員

(2) 醫士一人

(3) 檢疫消毒隊八名

(4) 村長副六名

(三) 祁縣

祁屬子洪口綽南北通途向爲南趨上黨東渡東陽分赴直豫之要路由省南下必至其地第子洪要鎮來遠則非宿站安能有懷慶客人留滯之理張學兒不詢其所自來率爾進送比及返里染斃數人嗣經官家查檢猶不肯盡吐其實甚矣愚民諱疫之深也

(甲) 防疫分局

設縣城教育會以知事兼任局長擇要設所檢查由分水嶺北來行旅

(乙) 分設機關

(子) 城廂檢疫所 設警察公所委警佐于耀龍兼任所長

(丑) 區村檢疫所 一設賈令鎮所長一人稽查一人一設北關鎮委員一人檢查員一人一設東觀鎮所長一人一設峪口村委員一人

(寅) 衝要檢疫所 一設來遠鎮防疫員王鳳岐檢疫隊長段潤堂一設子洪口防疫員劉世官檢疫隊長胡榮華一設盤陀鎮由村長督警檢查

(丙) 人員配備

(1) 局長 局員 委員六人

(2) 醫士二人

(3) 檢查巡警十六名

(4) 宣講員四人

(5) 村長副二十人

(乙) 預防區防疫機關

此次施行預防區域實倍疫縣之數猶強蓋疫菌每假人體呼吸機以傳地方之交通與人類之交際苟不能嚴格限制則災害能否滅除非常危險以故鄰疫地而居種種措置不容稍緩其詳略有不同者是又地理人事之關係也故同一預防區則有特別注重地如省會陽曲是也鄰疫此重地如孟靜興嵐是也鐵道經過地如榆壽平是也普通預防地如徐太臨離等是也茲將各縣設置機關分誌於左

(子) 特別注重地

(一) 陽曲縣

當雁門道所屬各縣疫報先後至省陽曲咫尺相望群情駭懼統計縣屬四十都里北境九都半與疫地毗連雖石嶺天門早經派兵扼守中如陽興辛莊岔上三都內有張塢北岔兩村一爲定襄東來僻徑一爲忻縣南下所經稍縱即逝在在均關緊要洎乎忻縣馮村疫勢瀾漫防禦上之手續更不得不特加嚴密環顧四境固已措置靡遺也天下事有決心者即操勝算豈僅防疫爲然哉

(1) 督辦防疫執行處

陽曲爲省會所在地絕對的防遏疫氣不使侵入者其重要原因有三(一)五方雜處人類不齊百貨雲集

商賈輻輳社會交際取締極難(一)太汾兩屬地勢平行欲斷交通無險可據由省而南流行無既(二)正太通車波及京漢若事停駛影響國際內政外交困難實多總此三因則行政罰法必須強制執行總局成立規定權限對省外則爲統一機關對省內則爲實施區域惟劃分地線各有專責一城四廂附郭三十里內之要地全由總局直接指揮他如縣屬四十都分則仍陽曲治之局所之組織人員之調遣警士之支配雖竭其力之所能恐亦掛此漏彼萬一侵及無法補救於是議設防疫執行處增置督辦一職委六政考核處處長崔廷獻兼任處事總理一切專務督飭陽曲防疫行政之進行另撥陸軍差遣員暨輸送隊共若干供其支配沿邊駐守晝夜梭巡北來行人無偷渡者既可保護省垣復能維持大局陽曲之得以安全此亦與有力焉

(2) 陽曲縣防疫分局

分局設於縣署知事兼任局長內部助理員由掾屬紳董分任其事其外部則規定毗連忻定孟靜四縣地方爲最要次要區域飭縣佐鍾英曹蘭第警佐張策督警馳赴都鎮駐紮嚴重檢查至銜接他縣者由村長副協助辦理均由局長委派以一事權惟分設機關則須商承執行處分別配置

(3) 防疫督察所

設置大孟鎮鐵貓寺督察員一委候補警佐李廷斌充任率防疫檢查隊四十名專管西莊凌井岔上大孟南白陽興鄆都賈莊辛莊九都防疫事務凡各都衝繁村鎮一律駐警責成村長副嚴斷交通

(4) 防疫稽查所

一附設城區警察署稽查員一委警佐張策兼充率防疫檢查隊二十名督同巡官專管北關敦化新城陽曲青龍黃寨直峪盤威呼延東社向陽栢板松樹及屯高莊西莊泉溝高村十八都防疫事宜一設縣東北張塢村其地爲定襄赴省僻徑稽查員委候補警佐韓仰奎充任率防疫檢查隊三十名常川駐紮兼稽查賈莊鄆都陽興三都邊境防檢事宜一設縣西北岔上村其地距忻縣馮村甚近稽查員一委候補警佐王繼澤董英充任率防疫檢查隊三十名分段駐紮兼稽查南岔北岔凌井三都邊境防檢事宜

(5) 防疫檢查所

一附東黃水鎮警察分所委左區巡官鄭敷敬率檢查隊二十名專查黃水石城丈子三都由壽陽榆次入境者一設陽興鎮縣佐署委縣佐鍾英率檢查隊三十名專巡邏各路繞越行旅一設向陽鎮警察分所委右區巡官郭懷清率檢查隊二十名專檢查西銘河口王封官山四都由靜樂太原入境行旅一設小店鎮縣佐署委縣佐曹蘭第率警二十名專巡邏各村入境小道實行堵截西莊凌井二都由忻縣靜樂來省行旅

(6) 病院及隔離所

城關附近因全省總局已於城北上關置隔離所兩處以故分局未設其縣北衝要地方除概行斷絕交通者如大孟岔上小店陽興東黃水向陽均藉公廟地址完全設備由駐鎮防疫主任督同村長副分別辦理院所事務毫不淆亂

附督軍公署 防疫總局 委辦陽曲縣防疫局所職員暨軍官姓名一覽表

職	別姓名住	在地點
督	辦崔廷獻	省垣六政考核處
局	長孫奐崙	陽曲縣分局內
主	任郭伊	縣分局
助理	員張希詠	
	趙鴻翔	
	曹相周	
	韓順德	
	李增華	
	傅旺	
督察員	李廷斌	大孟鎮
稽查員	韓仰奎	張塢村
	董英谷	上村
職	別姓名住	在地點
檢查所主任	郭懷青	向陽鎮
祕密調查兼宣講員	鄭雨人	
軍官	姚顯仁	
	王蔭槐	
	杜善成	
	王天祥	
	王丙寅	
	李海清	
	張鳳藻	
	馬輔國	
	申周斌	
	趙殿元	

王繼澤	鍾英陽	曹蘭第	張策陽	鄭敷敬	田鳳翔	趙九卿	薛貴東	張顯文	李蔭國
	興鎮	店鎮	曲警察所	黃水鎮					
劉瑞章	楊榮昌	楊寶春	梁蔭堂	潘福富	張樹珍	李得魁	程明堂	陸軍輸送隊	檢查隊
							以上軍官駐紮各衝要地梭巡	五十名	二百二十名

(丑)鄰疫次重地

同一鄰疫地而有最要次要之分衝與僻之不同耳由寧武至省而經靜樂僻路也故寧武疫而靜樂安而省垣之險狀減免由定襄至省而走孟縣亦僻路也故定襄疫而孟縣安而省垣之防線縮小以省垣之關係而

重以經路之僻遠而次以衝要之通行而次以交通之遮斷而又重此所以不能併普通預防地論也他如保德嵐興皆與疫壤相錯稍一不慎則太汾兩屬又將惡作劇矣疫區愈擴防線愈長人類之災癘庸有既乎

(一) 孟縣

孟縣北控台定其南則平定壽陽西通陽曲東達直隸平山北來行旅由台定經其境南行可搭火車或東折而赴省亦可通行迨平山疫起全境捲入漩渦實行防止更急急也武鄉之疫客是否假道於此雖未證明固大被嫌疑者然始終未波及縣境亦防之有道者矣

(甲) 防疫局所

分局組織成立一面於縣北上下社長南舖派警嚴堵由台南下行旅復撥警駐守蔡家坪白土腦王家莊以阻定襄入境之路局設縣署局長知事兼任助理員委掾屬分任之宣講則紳學人員兼充其檢查所附設警務公所委警佐為總稽查巡官兼任檢查長督警輪赴四鄉嚴行監察并責成各村長副幫同辦理以故城鄉十八防卡實行堵截惟西南關檢查留養所初附設於防卡置二十七處尋廢止

(乙) 員隊組織

- (1) 局長 總稽查 稽查員四人 局員二人 檢疫員四人 宣講員二十二
- (2) 醫士
- (3) 警士八十名

(二) 靜樂縣

自崑嵐寧武疫起靜樂已陷於楚歌四面況依提傘蓋又忻屬入靜通途多一釀疫之區即多一處戒備乃馮村疫未越境寧疫亦轉而東循盤道梁軒崗南滙忻崞靜樂得慶安全是固有幸不幸耳

(甲) 防疫局所

縣境當寧武入省之衝南鄉屢煩鎮最要特委巡官任秉鈞率警協同紳董嚴重檢查其分局設於縣署知事兼任局長委警佐史宗堯協助在事人員遴委掾屬分任分設檢查所八一縣城南關一康家會一東北鄉新開鎮一北鄉永安鎮一西鄉馬坊鎮一南鄉婁煩鎮此外石河村杜家村各委所長一人督警檢查城南廂設隔離所兩處婁煩鎮設留驗所以處行旅

(乙) 員隊組織

- (1) 局長 協理 局員二人 檢查長八人 隔離所長二人 宣講員四十人
- (2) 醫士一人
- (3) 檢查隊原有巡警改編

(三) 保德縣

保德北通河曲東鄰五寨崑嵐雖皆疫區而社會交際甚少惟西濱黃河諸縣商販挾資西渡者半多假途境內然而聿云歲暮大都自西而東來自無疫地者城門有火未及池魚雖曰人事亦天時地理之關係耳

(甲) 防疫局所

防疫分局設於城外東關以知事兼任局長檢查長員由警佐巡官分任別設檢疫所三處一東鄉天橋村